



Ulloq: 6. juli 2023  
Allaffik: Nordatlantkontoret  
Sul.suliar.: Julie Kjørulf  
Suliap normua: 2021-490-0325  
Takussutissiaq: 2896764

**Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnerat pillugit inatsisissatut siunnersuummut tusarniaanermut akissutit**  
(Digitaliusumik innarliisarnerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, meeqqamik atoqateqarnerup pinngitsaaliinermut naligiissinneqarnera, malunnaarsarluni atoqateqarneq, upperisarsiortut aqutsisuisa atoqateqarniarlutik inuup pisariaqartitsineranik imaluunniit pinngitsuuisinnaannginneranik atornerluineri il.il.)

### **pillugit**

## **TUSARNIAANERMUT NALUNAARSUUT OQAASERTALERSUGAQ**

### **I. Tusarniaaneq**

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allanngortinneqarnissaannut inatsimmut missingiut (Digitaliusumik innarliisarnerit akiorneqarnissaannut suliniutit, matumani isumapiloqarneq tunngavigalugu tatiginnilersitsiniaanerup, grooming-ip, inerteqqutinngortinneqarnera, meeqqamik atoqateqarnerup pinngitsaaliinermut naligiissinneqarnera, malunnaarsarluni atoqateqarneq, upperisarsiortut aqutsisuisa atoqateqarniarlutik inuup pisariaqartitsineranik imaluunniit pinngitsuuisinnaannginneranik atornerluineri il.il.) piffissami 7. juni 2023-imiit 5. juli 2023-imut oqartussaasunut suleqatigiiffinnut il.il. tulliuttunut tusarniutigalugu nassiunneqarsimavoq:

Advokatrådet, AmiAmi, Amnesty International, Avannaata Kommunia, Børnerådet, Børnesagers Fællesråd, Børns Vilkår, Center for Voldtægts ofre, Center mod Menneskehandel, CEPOS, Danner, Dansk Kvindesamfund, Dansk Røde Kors, Danske Advokater, Datatilsynet, Den Danske Dommerforening, Det Kriminalpræventive Råd, Dommerfuldmægtigforeningen, Domstolsstyrelsen, Everyday Sexism Project Denmark, Foreningen af Offentlige Anklagere, Kalaallit Nunaanni illersuisut peqatigiiffiat, Kalaallit Meerartaat, Kalaallit Nunaanni illersuisut peqatigiiffiat, Nunatta Eqqartuussisuuneqarfia, Grønlands Politiforening, Kalaallit Nunaanni Inuit Pisinnaatitaaffii pillugit Siunnersuisoqatigiit, Hjælp Voldsofre, Institut for Menneskerettigheder, Joan-Søstre, Justitia, KFUKs sociale arbejde, Sumiiffinni eqqartuussisut peqatigiiffiat, Kriminalpolitisk Forening (KRIM), Kvinderådet, Kvinno, Kommune Kujalleq, Kommune Qeqertalik, Kommuneqarfik Sermersooq, Landsforeningen af Forsvarsadvokater, Landsforeningen for Voldsramte Kvinder, Landsforeningen KRIM, Landsorganisationen af Kvindekrisecentre, Landsorganisationen mod Seksuelle Overgreb, Lev Uden Vold, MIO (Meeqqat illersuisuat), Nunatsinni Advokatit, Kalaallit Nunaanni Naligiissitaanissamut Siunnersuisoqatigiit, Offerrådgivningen i Danmark, PiSiu (Kalaallit Nunaanni Pinerlutsaaliuinnermut Siunnersuisoqatigiit), Politiforbundet, Pro Vest, Qeqqata Kommunia, Red Barnet, Reden International, Nunatsinni Eqqartuussivik, Retspolitisk Forening, Rigsadvokaten, Rigspolitiet, Seksualpolitisk Forum, Sexarbejdernes Interesseorganisation, Vestre Landsret, Voldtægts ofres Vilkår aamma Østre Landsret.

Tusarniaanermut akissutinik tulliuuttunit Inatsiseqarnermut ministereqarfik tiguisimavoq:

Det Kriminalpræventive Råd, Den Danske Dommerforening, Domstolsstyrelsen, Nunatta Eqqartuussisuuneqarfia, Kalaallit Nunaanni Inuit Pisinnaatitaaffii pillugit Siunnersuisoqatigiit, Hjælp Voldsofre, Institut for Menneskerettigheder, Kommuneqarfik Sermersooq, Nunatta Illersuisuunera, MIO (Meeqqat illersuisuat) Red Barnet, Nunatsinni Eqqartuussivik, Rigsadvokaten, Seksualpolitisk Forum, Vestre Landsret aamma Østre Landsret.

Tusarniaanermut akissutini tiguneqartuni immikkoortut pingaernerit ataani oqaluttuareqqinneqarput.

Inatsiseqarnermut ministereqarfiup tusarniaanermut akissutinut oqaaseqaatai *uingasumik* allanneqarput.

## **II. Tusarniaanermut akissutit**

### **1. Nalinginnaasumik**

**Vestre Landsret-ip Østre Landsret-illu** inatsimmut missingiut oqaaseqarfigissallugu kissaatiginngilaat.

**Den Danske Dommerforening, Domstolsstyrelsen, Nunatsinni Eqqartuussivik, Kommuneqarfik Sermersooq, Rigsadvokaten** aamma **Seksualpolitisk Forum** missingiummut oqaaseqaateqanngillat.

**Kalaallit Nunaanni Inuit Pisinnaatitaaffii pillugit Siunnersuisoqatigiit, Hjælp Voldsofre, Institut for Menneskerettigheder, MIO (Meeqqat illersuisuat),** aamma **Red Barnet** pinerluttulerinermi inatsimmi allannguutissatut siunnersuutigineqartunut nalinginnaasumik tapersersuipput, allannguutissammi meeqqanut inuusuttunullu digitaliusumik innarliinernut pitsaaneruseqarsumik illersuinissamut qulakkeerinneqataassammata.

Timikkut innarliinerit pingaartinneqarnerunissaanut killilersuinerit naleqqiullugu digitaliusumik innarliinerit aamma pingaartinneqarnissaatigut pinerluttulerinermi inatsimmi aalajangersakkat siunissamut qulakkeerneqarnissaat pingaaruteqarmat, **Kalaallit Nunaanni Inuit Pisinnaatitaaffii pillugit Siunnersuisoqatigiit** maluginiarpaat.

Pitsaaliuineq paasititsiniaanerlu pillugit annertuneruseqarsumik ukkassisoqartariaqaraluartoq, aamma kinguaassiuutitigut innarliinerit pillugit pitsaaliuinissamut tunaartaqarluni iliuusissanik pilersaarusiortoqarnissaa aamma klassini qaffasissutsini naleqquttuni kinguaassiuutinik ilinniartitsinerup patajaallisarneqarnissaa tassunga atatillugu innersuutigineqartoq **Det Kriminalpræventive Råd**-ip maluginiarpaat.

*Kalaallit Nunaanni Inuit Pisinnaatitaaffii pillugit Siunnersuisoqatigiit aamma Det Kriminalpræventive Råd-ip isumai Inatsiseqarnermut ministereqarfiup nalunaarsorpai aamma isumaginninnermut meeqqallu atuarfiannut suliaasaqarfiit Kalaallit Nunaanni Namminersorlutik Oqartussat tigunikummatigit tassunga atatillugu maluginiarlugu.*

## **2. Meeqqamik atoqatiginninnerup pinngitsaaliinermut naligiissinneqarnera pillugu**

Pinerluttulerinermi inatsimmi meeqqamik atoqateqarneq allatigulluunniit kinguaassiuutitigit atassuteqarneq pillugu § 77, imm. 2-mut allannguutissatut siunnersuummut tunngatillugu, ukiunut killissarititaasut ukiunut 22-inut aalajangerneqarnerannut pissutaasoq suunersoq takuneqarsinnaanngimmat, **Kalaallit Nunaanni Inuit Pisinnaatitaaffii pillugit Siunnersuisoqatigiit** maluginiarpaat.

*Meeqqap inersimasullu akornanni atassuteqarnerup isumasiornera malillugu, ima naligiinnigitsigisoqartoq, kinguaassiuutitigit atassuteqarnermut meeqqap piunassutsini malillugu akuersissuteqaqqaanngisaannarnissaanut ukiunut killissarititaasup ukiunut 22-inut inissinneqarnissaa, soorlu aamma unnerluussisussaanninneq pillugu malittarisassat atuuttut aamma taamaattut, Inatsiseqarnermut ministereqarfik isumaqartoq, inatsisissatut siunnersuutip nalinginnaasumik oqaaseqaatitaani imm. 2.7.2.-mi takuneqarsinnaavoq. Danmarkimi 2022-imi inatsisip allanngortinneqarnerani eqqarsaatigisassat assigisaat tunngavigineqartut aammattaaq maluginiarneqassaaq, aamma ukiunut killissarititaasup ukiunut 22-inut aalajangersarneqarnerani eqqarsaatigisassat taakkuttaaq Kalaallit Nunaannut atuuttut, Inatsiseqarnermut ministereqarfik isumaqarpoq.*

## **3. Malunnaarsaarluni atoqateqarnerup pinngitsaaliinermut naligiissinneqarnera pillugu**

Malunnaarsaarluni atoqateqarneq pillugu Inatsiseqarnermut ministereqarfiup isumaliutiginninnerminut uiggiullugu, pisoq malunnaatilik ”stealthing”, tassa pisoq, tassani illuatungerisap sianiginngisaanik imaluunniit akuersissuteqaqqaartinnagu naartunaveersaatip atoqatigiilinnigitsiarnermi peerneqarnera, Inatsiseqarnermut

ministereqarfiup isummerfigisariaqaraa, **Kalaallit Nunaanni Inuit Pisinnaatitaaffii pillugit Siunnersuisoqatigiit** taavaat. Aapparisaq akuersissuteqaqqaarnissaanut, inuttut isumannaatsuunissaanut aamma innarligassaanginneranut ataqqinninnginnermik iliuseq taamaattoq taamatutaaq takutitsivoq.

Akuersissuteqaqqaarnissamik tunngavilimmik pinngitsaaliineq pillugu aalajangersakkap (§ 77, imm. 1-ip) aamma pinerluttulerineri inatsimmi § 78, imm. 1-imi inuup tarnikkut nappaateqarnerata imaluunniit eqqarsartaatsikkut kinguarsimasuunerata kingunerisaanik kinguaassiuutitigut atonerluinerup pinerluutinngortinneqarnerata akornanni sunniivigeqatigiinneq pillugu nalorninarqartoq **Institut for Menneskerettigheder**-ip taavaa. Pinerluttulerineri inatsimmi § 77, imm. 1-ip aamma pinerluttulerineri inatsimmi § 78, imm. 1-ip akornanni sunniivigeqatigiinneq pillugu Inatsiseqarnermut ministereqarfik Naalakkersuisullu misissueqqissaartariaqartut aamma inuup tarnikkut imaluunniit paasinnissinnaassuseqarneq pillugu innarluuteqarneranik atonerluinikkut pineqartumik atoqateqarnerup qanoq ililluni pinerluutinngortinneqarnissaata eqqarsaatigeqqinneqarnissaa, tamanna tunngavigalugu instituttip innersuussutigaa.

*Malunnaarsarluni atoqateqarneq tassaavoq kinguaassiuutitigut nammineq aalajangiinissamut pisinnaatitaaffimmik ingasattumik innarliineq, akuersissuteqaqqaarnissamik tunngavilimmik pinngitsaaliineq pillugu aalajangersagaq malillugu pinngitsaaliinerit suussusaasa ilaannut naligiissinneqarsinnaasoq. Pinngitsaaliineq pillugu pillaasoqassanngippat, atoqatiginninnermut pineqartumut akuersissuteqaqqaarnerup saniatigut taamaalilluni inummit atoqatigineqartumit akuersissuteqaqqaarnissaq pillugu piumasagaateqartoqartariaqarpoq. Pinerluttulerineri inatsimmi § 77,imm. 1-imi akuersissuteqaqqaarnissamik oqaatsip imarisaa aalajangersarneqareersoq kalluannikkaluarlugu, malunnaarsarluni atoqateqarnerup pinngitsaaliinermut naligiissinneqarnissaa taamaammat inatsisissatut siunnersuummi siunertarineqarpoq, taamaalilluni malunnaarsarluni atoqateqarneq siunissami pinngitsaaliinertut pissuseqartutut nalilernerqassalluni.*

*Inuk innarluutilik, allat assigalugit, pinerluttulerineri inatsimmi § 77, imm. 1-imi illersuineri ilaammat, aamma taamaalilluni pisuni, pinngitsaaliineq pineqartillugu piumasagaatit*

naammassineqarsimaneranni, § 77, imm. 1 malillugu eqqartuussisoqarsinnaasoq, Inatsiseqarnermut ministereqarfiup aammattaaq maluginiarpa. Taamaattoq pisoqarsinnaavoq, inuk tarnikkut paasinnittaatsikkulluunniit innarluutilik nammineq kajumissutsini malillugu atoqateqarsimasoq, aamma taama takutitsisoq, kisianni pinerluttuliortumit innarluuteqarnerup atonerlunneqarnera pisoq. Akuersissuteqaqqaarnissamik tunngavilimmik pinngitsaaliineq pillugu aalajangersakkap eqqunneqarneranut atatillugu, inuup tarnimigut imaluunniit eqqarsartaatsimigut kinguarsimaneranik atoqateqarniarluni atonerluineq pillugu pillaasarnermik inatsimmi § 218 atatiinnarneqassasoq, Straffelovsråd-ip taamaamat nalilerpa. Eqqarsaatigisassat taakku aamma pinerluttulerinermi inatsimmi § 78, imm. 1-imi atuuttut, aamma tassunga atatillugu Straffelovsråd-ip naliliinerata qaangiinnarneqarnissaa tunngavissaqanngitsoq Inatsiseqarnermut ministereqarfik isumaqarpoq.

Sammisaq "stealthing" inatsisissatut siunnersuummut massumunnga killissarititaasut avataanniittoq, Inatsiseqarnermut ministereqarfik aammattaaq isumaqarpoq. Tassunga atatillugu ministereqarfiup sammisap tunngavia misissuleruttora Inatsiseqarnermut ministereqarfiup paasissutissiissutigissavaa, matumani unnerluussisussaataasut sulianiaqatigiiffillu allat oqaloqatiginerisigut aamma nunat allat sammisamut qanoq isummersimaneramik paasissutissanik aallernerit ilanngullugit.

#### **4. Inatsisissatut siunnersuummut oqaaseqaatit allat**

Pinerluttulerinermi inatsimmi kapitali 18-imi allannguutissatut siunnersuutit inatsisitigut ajornartorsiutinik anigoruminaatsunik kinguneqassasut, kalaallit siullermeerluni eqqartuussiviinut systemimut unammillernarsinnaalluni, tassanimi sullissisut ilisimasallit aallaaviatigut universitetimi inatsisilerinermik ilinniarsimasuusanngimmata, **Nunatta Eqqartuussisuuneqarfiata** taavaa. Eqqartuussisarnermik inatsimmi § 322, imm. 1 aamma 2 malillugit illersuisumik ivertitsisoqartillugu, inatsisiliap piareersaataasumik suliarineqarnerani illersuisumik ivertitsisoqarnera pillugu suliani oqaaseqaatiliortoqarnissaa inatsisiliortut isumaliutersuutigisariaqannginneraat, tassungalu atatillugu akuerisaasumik illersuisup, universitetimi inatsisilerinermik ilinniarsimasuunngitsup unnerluussaasoq pisariaqartinneqartumik illersuisinnaanera pillugu

isumaliutiginnittoqarnissaa, tassunga atatillugu Nunatta Eqqartuussisuuneqarfiata maluginiarpa.

Pinerluttulerinermik suliani illersuisumik ivertitsisoqarnissaa pillugu malittarisassat ilusilersorneqarnerannut atorneqarnissaannullu **Nunatta Illersuisuunerata** eqqasuuteqarnini taavaa. Pinerluttulerinermi inatsimmi allannguutissatut siunnersuutigineqartut ajornartorsiutit anigoruminaatsut amerlisissagaat aamma akuerisaasumik illersuisuni aalajangersimasumut tunngasumik ilisimasanut unammillernassasoq Nunatta Illersuisuunerata tassunga atatillugu taavaa.

*Sumiiffinni akuerisaasumik illersuisumik ivertitsisoqassasoq eqqartuussisarnermik inatsimmi § 322, imm. 1-imi takuneqarsinnaavoq. Suliani immikkut ittumik ilungersunartumik pissuseqartuni, illersorneqarnissap eqqarsaatigineqarnerata tamanna pisariaqartippagu, eqqartuussiviup eqqartuussissuserisoq illersuisutut ivertissagaa, aammattaaq aalajangersakkap imm. 2-ani takuneqarsinnaavoq. Folketingstidende 2007-08, katersat aappaanni, ilanngussaq A-mi quppernerit 1448-imiit 1449 ilanngullugu malillugit eqqartuussisarnermik inatsimmi § 322-imut oqaaseqaatit malillugit, sumiiffimmi eqqartuussivik matumuuna marlunnik naliliissaaq. Siullertut suliaq taanna piviusoq immikkut ittumik ilungersunartuunersoq nalilerneqassaaq. Ilaatigut toqutsinerni imaluunniit nakuusernerni imaluunniit pinngitsaaliinerni immikkut ittumik ilungersunartuni unnerluussinerni ilisaqunnartumik tamanna pissaaq. Illersorneqarnissaq pillugu eqqarsaatiginninnermi eqqartuussissuserisumik ivertitsisoqarnissaa pisariaqartinneqarnerasoq aappaattut nalilerneqassaaq. Taamaalilluni suliap taassuma sammisap tunngaviinik taamaattunik ilungersunassuseqartunik, unnerluussaasoq eqqartuussissuserisumik illersuisoqartariaqarluni, imaqarnerasoq sumiiffimmi eqqartuussiviup piviusumik nalilersussavaa. Unnerluussaasoq nassuersimappat, paasisutissanut pigineqartunit qularnarunnaarsinneqartunik, taamaalilluni eqqartuussissuserisumik illersuisoqartitsisoqarnissaa amerlanertigut pisariaqartinneqassanngilaq, naak immikkut ittumik ilungersunartumik suliaq, assersuutigalugu toqutsineq, pineqaraluartoq. Aappaatigut nassuinerimik suliat ima ajornartorsiutinik anigoruminaatsunik akoqarsinnaapput, illersuisoq eqqartuussissuserisuusariaqarluni. Suliap ajornartorsiutinik anigoruminaatsunik imaqarnerata naliliiffigineqarnerani ilaatillugu suliaq aamma inatsisitigut ajornartorsiutinik anigoruminaatsunik imaqarnerasoq nalilertariaqartoq, Inatsiseqarnermut ministereqarfik isumaqarpoq.*

2022-imi septembarimi Kalaallit Nunaanni Eqqartuussiveqarnej pillugu Siunnersuisoqatigiinni oqallinnerit tunngavigalugit, Kalaallit Nunaanni pinerluttulerinermi suliap ingerlasarnerani eqqartuussiveqarfimmi sullissisut ilisimasaqarnerulernissaat pillugit suleqatigiissitanik pilersitsisoqartoq Inatsiseqarnermut ministereqarfiup aamma paasissutissiissutigisinnaavaa. Suleqatigiissitap eqqartuussiveqarfimmi sullissisut ilisimasaqarnerulernissaat pillugit periarfissat misissuiffigeqqissaassagaat taannalu tunngavigalugu tassuuna suliniutissanik piviusunik siunnersuuteqassallutik, siunnersuutillu Kalaallit Nunaanni innuttaasunut sunniuteqarluartumik eqqartuussisarnermillu ullumikkumut naleqquttumik annertuumillu inatsisitigut isumannaatsuusumik qulakkeerinittussamik suliaqarnissaat siunertarineqarpoq. Ilaatigut eqqartuussisarnermik inatsimmi §§ 321-imiit 328 ilanngullugu illersuisunik iverititsisoqartarnera namminerlu illersuisumik qinersisinnaatitaaneq pillugu malittarisassat ilaatinneqarsinnaapput. Suleqatigiissitat suliarisassaasa allassimaffiat suliarineqaleruttorpoq aamma suleqatigiissitat pilersinneqarnissaat 2023-imi septembarimi Kalaallit Nunaanni Eqqartuussiveqarnej pillugu Siunnersuisoqatigiit tullissaanik ataatsimiinneranni oqallisigineqarnissaa naatsorsuutigineqarpoq

### **III. Inatsisissatut siunnersuut**

Inatsisissatut siunnersuummut, tamanut tusarniutigineqartumut naleqqiullugu, inatsisissatut siunnersuut nassiunneqartoq imaqarnermigut allannguutininik imaqanngilaq, kisianni oqaatsitigut aamma inatsisilerinikkut pitsaassutsinik isumannaarinninnertut pissusilinnik allannguisoqarpoq.